

ԱՐՁԱՆԱԳՐՈՒԹՅՈՒՆ – 7

ԱՇՏԱՐԱԿ ՔԱՂԱՔԱՅԻՆ ՀԱՄԱՅՆՔԻ ԱՎԱԳԱՆՈՒ 2017 ԹՎԱԿԱՆԻ ՄԱՅԻՍԻ 5-Ի ԱՐՏԱՀԵՐԹ ՆԻՍՏԻ

*ՆԱԽԱԳԱՀՈՒՄ ԷՐ՝ ՀԱՄԱՅՆՔԻ
ՂԵԿԱՎԱՐ ԹՈՎՄԱՍ ՇԱՀՎԵՐԴՅԱՆԸ
ԱՐՁԱՆԱԳՐՈՒՄ ԷՐ՝ ԱՇԽԱՏԱԿԱԶՄԻ
ՔԱՐՏՈՒՂԱՐ ԳՐԻԳՈՐ ՂԱՏՈՒՄՅԱՆԸ*

Ավագանու 15 անդամներից նիստին մասնակցում էին 14-ը՝ Նորիկ Անդրեասյանը, Տիգրան Գալստյանը, Ազատ Զաքարյանը, Արտաշես Խաչատրյանը, Աշոտ Հունանյանը, Վահագն Մկրտչյանը, Կարեն Շահազիզյանը, Սամվել Շուխյանը, Նավասարդ Պետրոսյանը, Արմենակ Սարգսյանը, Բաբկեն Վարդանյանը, Հայկ Վարդանյանը, Մուշեղ Տաշչյանը, Սարիբեկ Օվոյանը:

Նիստին մասնակցում էին նաև՝ համայնքի ղեկավարի տեղակալներ Գ. Եղիազարյանն ու Վ. Սաֆարյանը, համայնքի ղեկավարի խորհրդական Զ. Գևորգյանը, աշխատակազմի բաժինների պետեր Ա. Խաչատրյանը, Ս. Ղազարյանը, Ա. Մնացականյանը /ծ/պ/, աշխատակազմի գլխավոր մասնագետ-իրավաբան Ս. Սահակյանը, առաջատար մասնագետ Ա. Գրիգորյանը, ՀՈԱԿ-ների տնօրեններ Պ. Զոհրաբյանն ու Է. Մելիքյանը, <Ձոր> ՓԲԸ-ի և <ՇԱՀ-ԱՐԵՎԻԿ> ՍՊԸ-ի ներկայացուցիչներ:

Միաձայն հաստատվում է նիստի հետևյալ

ՕՐԱԿԱՐԳԸ

1. Էդգար Մելիքյանին <Աշտարակի կոմունալ ծառայություն> ՀՈԱԿ-ի տնօրեն նշանակելու մասին:

/Զեկուցող՝ Զ. Գևորգյան /

2. Աշտարակ քաղաքի Քասախի կիրճում գտնվող <ՁՈՐ> ՓԲԸ-ին ծառերի հատում, շիվահատում և սանիտարական էտ կատարելու թույլտվություն տալու մասին:

/Զեկուցող՝ Ա. Մնացականյան /

3. Աշտարակ քաղաքի Քասախի կիրճում գտնվող <ՇԱՀ-ԱՐԵՎԻԿ> ՍՊԸ-ին ծառերի հատում, շիվահատում և սանիտարական էտ կատարելու թույլտվություն տալու մասին:

/Զեկուցող՝ Ա. Մնացականյան /

Լ Ս Ե Յ Ի Ն - 1 - Էդգար Մելիքյանին <Աշտարակի կոմունալ ծառայություն> ՀՈԱԿ-ի տնօրեն նշանակելու մասին

Զեկուցումով հանդես եկավ համայնքի ղեկավարի խորհրդական Զ. Գևորգյանը:

Զեկուցողը նշեց, որ համայնքի ղեկավարի 2017 թվականի հունվարի 9-ի N 2-Ա կարգադրությամբ Էդգար Մելիքյանը նշանակվել է <Աշտարակի կոմունալ ծառայություն> ՀՈԱԿ-ի տնօրենի ժամանակավոր պաշտոնակատար:

Հաշվի առնելով այն, որ Է. Մելիքյանն աշխատանքի ընթացքում իրեն դրսևորել է որպես գործունյա և նախաձեռնող աշխատողի, էականորեն բարելավել է համայնքի սանիտարական ու աղբահանության

կազմակերպման վիճակը, այժմ նրա թեկնածությունը ներկայացվում է ավագանուն և առաջարկվում համաձայնություն տալ նրան նշանակելու որպես ՀՈԱԿ-ի տնօրեն:

Ձեկուցումից հետո ելույթ ունեցան նիստին ներկա ավագանու բոլոր անդամներն ու տվեցին իրենց համաձայնությունը Է. Մելիքյանին նշանակելու նշված պաշտոնում:

Համայնքի ղեկավարն ամփոփելով ասվածը հույս հայտնեց, որ այսուհետև ևս Է. Մելիքյանը կաշխատի ուժերի լարումով և քաղաքը կպահի սանիտարական պատշաճ վիճակում:

Ղեկավարվելով <Տեղական ինքնակառավարման մասին> ՀՀ օրենքի 18-րդ հոդվածի 1-ին կետի 16-րդ ենթակետի պահանջներով, ընդունվեց համապատասխան որոշում:

14 - ԿՈՂՄ ՁԱՅՆԵՐ ՍՏԱՑԱԾ ԵՎ ԸՆԴՈՒՆՎԱԾ ՈՐՈՇՈՒՄԸ ԿՑՎՈՒՄ Է ՍՈՒՑՆ ԱՐՁԱՆԱԳՐՈՒԹՅԱՆԸ:

Լ Ս Ե Ց Ի Ն - 2 - *Աշտարակ քաղաքի Քասախի կիրճում գտնվող <ՁՈՐ> ՓԲԸ-ին ծառերի հատում, շիվահատում և սանիտարական էտ կատարելու թույլտվություն տալու մասին*

Օրակարգային հերթական հարցը ներկայացրեց աշխատակազմի քաղաքաշինության և հողօգտագործման բաժնի պետի ժ/պ Ա. Մնացականյանը:

Ձեկուցման մեջ նշվեց, որ համայնքապետարանում ստացված գրության մեջ <ՁՈՐ> ՓԲԸ տնօրինությունը խնդրել էր համաձայնություն տալ ՓԲԸ-ի տարածքում կատարելու չորացած ծառերի հատում, շիվահատում և սանիտարական էտ, քանի որ չորացած ծառերն ու ճյուղերն իրենցից վտանգ են ներկայացնում ինչպես հարակից տարածքներում գտնվող դալար ծառերի ու տնկիների, այնպես էլ հանգստացողների համար:

Ձեկուցման մեջ նշվեց, որ թվով 15 վայրի ուռենի, հայկական բարդի և թխկի ենթակա են կտրման, իսկ 7 ծառեր սանիտարական էտման /առկա է մասնագիտական եզրակացությունը /կցվում է/:

Հարցի հետ կապված ելույթ ունեցան Վ. Մկրտչյանը, Տ. Գալստյանը, Վ. Վարդանյանը, Մ. Տաշչյանը, Ն. Պետրոսյանը, Ա. Հունանյանը, միաժամանակ առաջարկելով կտրված ծառերը հատկացնելու անապահով ընտանիքների:

Բարձրացված հարցերին պատասխանեցին Ա. Գրիգորյանը, Ա. Մնացականյանը, ՓԲԸ-ի ներկայացուցիչը և Վ. Սաֆարյանը:

Պարզաբանումներ լսելուց հետո առաջարկվեց տալ համաձայնություն նշված թվով ծառեր կտրելու, շիվահատելու և կատարելու սանիտարական էտ:

14 - ԿՈՂՄ ՁԱՅՆԵՐ ՍՏԱՑԱԾ ԵՎ ԸՆԴՈՒՆՎԱԾ ՈՐՈՇՈՒՄԸ ԿՑՎՈՒՄ Է ՍՈՒՑՆ ԱՐՁԱՆԱԳՐՈՒԹՅԱՆԸ:

Լ Ս Ե Ց Ի Ն - 3 - *Աշտարակ քաղաքի Քասախի կիրճում գտնվող <ՇԱՀ-ԱՐԵՎԻԿ> ՍՊԸ-ին ծառերի հատում, շիվահատում և սանիտարական էտ կատարելու թույլտվություն տալու մասին*

Ձեկուցումով հանդես եկավ աշխատակազմի քաղաքաշինության և հողօգտագործման բաժնի պետի ժ/պ Ա. Մնացականյանը:

Ձեկուցողը նշեց, որ <ՇԱՀ-ԱՐԵՎԻԿ> ՍՊԸ-ից ստացվել է գրություն-խնդրանք իրենց հանգստյան գոտում գտնվող, հանգստացողների, զբոսաշրջիկների, շրջակա կանաչ ծառերի, կառույցների, ճեմուղիների և այլոց համար վտանգ ներկայացնող չորացած և փտած բներով ծառերը կտրելու թույլտվություն ստանալու խնդրանքով:

Ձեկուցումից հետո որոշակի պարզաբանումներով հանդես եկավ ՍՊԸ-ի ներկայացուցիչը և նշեց, որ կտրված և շիվահատված ծառերի փոխարեն տնկվել են ավելի մեծ թվով և հանգստի գոտու համար նախատեսված /տարածքին հարիր/ ծառեր:

Ձեկուցողին հարցեր տվեցին և հանգամանալից պատասխաններ ստացան Ս. Օվոյանը, Ս. Շուխյանը, Ա. Զաքարյանը, Ն. Անդրեասյանը, Ա. Մարգարյանը, նորից առաջարկելով փայտը հատկացնելու անապահով և բազմազավակ ընտանիքների:

Որոշակի պարզաբանումներ տվեցին նաև Ս. Սահակյանն ու Զ. Գևորգյանը:

Նիստին ներկա ավագանու անդամները հաշվի առնելով չորացած և փտած բներով ծառերի կիսականգուն գտնվելու փաստը, առաջարկեցին տալ համաձայնություն վտանգն արագ կերպով չեզոքացնելու, ծառահատում և սանիտարական էտ կատարելու համար:

14 - ԿՈՂՄ ԶԱՅՆԵՐ ՍՏԱՅԱԾ ԵՎ ԸՆԴՈՒՆՎԱԾ ՈՐՈՇՈՒՄԸ ԿՑՎՈՒՄ Է ՍՈՒՑՆ ԱՐՁԱՆԱԳՐՈՒԹՅԱՆԸ:

Օրակարգի հարցերը սպառված են:

Ավագանին արտահերթ նիստի աշխատանքներն ավարտեց 2017 թվականի մայիսի 5-ին:

Ա Վ Ա Գ Ա Ն Ի`

ՆՈՐԻԿ ԱՆԴՐԵԱՍՅԱՆ

ՏԻԳՐԱՆ ԳԱԼՍՏՅԱՆ

ԱԶԱՏ ԶԱՔԱՐՅԱՆ

ԱՐՏԱՇԵՍ ԽԱՉԱՏՐՅԱՆ

ԱՇՈՏ ՀՈՒՆԱՆՅԱՆ

ՎԱՀԱԳՆ ՄԿՐՏՉՅԱՆ

ԿԱՐԵՆ ՇԱՀԱԶԻԶՅԱՆ

ՍԱՄՎԵԼ ՇՈՒԽՅԱՆ

ՆԱՎԱՍԱՐԴ ՊԵՏՐՈՍՅԱՆ

ԱՐՄԵՆԱԿ ՍԱՐԳՍՅԱՆ

ԲԱԲԿԵՆ ՎԱՐԴԱՆՅԱՆ

ՀԱՅԿ ՎԱՐԴԱՆՅԱՆ

ՍԱՐԻԲԵԿ ՕՎՈՅԱՆ

ՍՈՒՇԵՂ ՏԱՇՉՅԱՆ

ՀԱՄԱՅՆՔԻ ՂԵԿԱՎԱՐ`

Թ. Շ Ա Հ Վ Ե Ր Դ Յ Ա Ն

ԱՐՁԱՆԱԳՐԵՑ`

**ԱՇԽԱՏԱԿԱԶՄԻ ՔԱՐՏՈՒՂԱՐ
ԳՐԻԳՈՐ ԴԱՏՈՒՄՅԱՆԸ**